

PEKELILING NAIB CANSOLOR

Bilangan 11 Tahun 2020

PEKELILING BANTUAN KEWANGAN BAGI KEMUDAHAN PEMBELIAN DATA INTERNET BAGI PELAJAR UiTM DALAM KALANGAN B40

1.0 TUJUAN

Pekeliling ini bertujuan memaklumkan kepada semua pelajar berkenaan bantuan kewangan bagi kemudahan pembelian data internet bagi pelajar Universiti Teknologi MARA (UiTM) dalam kalangan B40.

2.0 LATAR BELAKANG

Pada 25 Mac 2020, YAB Perdana Menteri telah mengumumkan pelanjutan tempoh Perintah Kawalan Pergerakan (PKP) sehingga 14 April 2020 bagi mengekang penularan wabak COVID-19 di Malaysia.

Sehubungan itu, Surat Pekeliling Timbalan Naib Canselor (Akademik dan Antarabangsa) Bilangan 01 Tahun 2020 berkenaan Pelaksanaan Penyampaian dan Penilaian Pembelajaran Berikutan Penularan Wabak COVID-19 dan Perintah Kawalan Pergerakan telah dikeluarkan dan menyatakan bahawa proses Pengajaran dan Pemudahcaraan (PdPc) perlu dibuat dengan menggunakan kemudahan teknologi sepenuhnya.

Pihak Universiti mengambil maklum berkenaan kekangan kewangan pelajar-pelajar dalam kalangan B40 bagi meneruskan proses PdPc secara dalam talian ini. Justeru itu, pihak Universiti telah bersetuju untuk menawarkan bantuan kewangan sebanyak RM30.00 sebulan kepada pelajar yang layak sepanjang proses PdPc secara dalam talian ini berkuat kuasa.

3.0 PELAKSANAAN

Proses pelaksanaan permohonan bantuan kewangan ini adalah seperti berikut:

3.1 Syarat Umum Permohonan

Permohonan ini terbuka kepada semua pelajar UiTM yang memenuhi syarat-syarat seperti berikut:

- 3.1.1 sedang mengikuti pengajian dan berstatus aktif pada Sesi II 2019/2020 bagi pengajian Kursus Profesional, Pra Diploma, Diploma, Sarjana Muda, Sarjana dan PhD;
- 3.1.2 bukan pelajar ePJJ atau Program Pembelajaran Fleksibel; dan
- 3.1.3 pendapatan kasar bulanan keluarga RM4,000.00 dan ke bawah ketika memohon.

3.2 Kaedah Mengisi Borang Permohonan

- 3.2.1 Permohonan boleh dibuat melalui Portal eHEP di laman web <https://istudent.uitm.edu.my/> bermula dari **4 April 2020 hingga 19 Mei 2020**.
- 3.2.2 Pelajar perlu memastikan nombor akaun bank telah dikemas kini (menerusi i-Student Portal) dan segala maklumat yang diberi adalah tepat untuk tujuan pemprosesan borang permohonan.

3.3 Penafian

Pelajar hendaklah memberikan maklumat yang tepat dan benar semasa membuat permohonan bagi tujuan bantuan kewangan ini. Pelajar diingatkan bahawa bantuan kewangan ini adalah bagi kemudahan pembelian data internet bagi pelajar dalam kalangan B40 untuk kegunaan pembelajaran secara dalam talian sepanjang tempoh PKP.

Sekiranya didapati sebaliknya, pihak Universiti berhak untuk menarik balik bantuan kewangan yang telah diluluskan dan pelajar boleh dikenakan tindakan mengikut perundangan yang terpakai di UiTM.

4.0 TARIKH DIKELUARKAN

Pekeliling ini dikeluarkan pada 04 April 2020.

5.0 TARIKH KUAT KUASA

Pekeliling ini berkuat kuasa mulai 04 April 2020.

6.0 PEMAKAIAN

6.1 Pekeliling ini adalah terpakai kepada semua pelajar Universiti Teknologi MARA dan untuk **edaran dalaman sahaja**.



PROF. EMERITUS DATUK IR. DR. MOHD AZRAAI KASSIM
Naib Canselor

Dikelilingkan Kepada:

Ahli Majlis Eksekutif Universiti

Semua Rektor UiTM Cawangan

Semua Dekan Fakulti

Semua Ketua Jabatan / Bahagian / Pusat / Unit

Yang Dipertua Majlis Perwakilan Pelajar

Yang Dipertua Jawatankuasa Perwakilan Kolej

Semua Warga UiTM

Bil. Fail : 100-HEP(PT. 6/2)

No. Siri : 100-UiTM (NC 6/2) 09